

A painting of a young shepherd with dark hair and a beard, wearing a yellow tunic and brown trousers. He holds a wooden staff in his right hand and reaches out with his left hand towards a small white lamb. The background shows a green hillside with rocks and a blue sky.

Ballal Warangal Diga Dow

Watson Goodman
hawti aayaaje d'e'e

Taa deftel ngel sorre

BALLAL WARANGAL DIGA DOW

«Ballal warangal diga dow» ðum kawtal aayaaje cubaadé diga Deftere Ceniinde, bolwande dow haalaaji feerefere. Ko faasitirta Deftere bee laabðum ðum Deftere bee hoore muudum.

Wolde Allah ðon wara diga asama, laati ballal boodñgal ngam bernde ð'abbande huuwugo muuyo Allah. To goddo tuubi, acci hakkeiji maako, nden o ewna Jawmiraawo Yeesu Almasiihu nder bernde maako, o hisan. Jawmiraawo wañganan mo, nden o hokkan bernde nuðdindo seyo hee jam. Mi maati ðum nder duubu 1937, haa jonta boo woodi kawtal ngal bee Jawmiraawo. Mi ðon toro ma hokku mo hoore ma, o laato Jawmiraawo ma bee kisnoowo ma, to a hok-kaayno mo hoore ma tawon.

—Watson Goodman (1920-2002)

Ammaa Almasiihu maayi mbat-tudi meeden yaake en konne'en Allah no. Bana ni Allah warginiri no o yidiri en. —Roma'en 5.8

Yoo, lutti nyande woore haa juulde Paska wada. Yeesu anndi saa'i muudum wari haa o acca duniyaaru, o hoota haa Baabiraawo. O yidi yimbe maako nder duniyaaru, o yidi be haa timmoode. «Walaa yiide burata nde'e: God-do hokka yoŋki muudum ngam soobiraabe muudum.»

—Yuhanna 13.1; 15.13

E diga Yeesu Almasiihu, cee-doowo goongaaajo, ummitinaado

arano nder maaybe fuu, laamiido laaamlaambe duniyaaru boo. Kaŋko o yidi en. O rufi yiyam maako ngam haa o rimdina en diga hak-keeji meeden.

—Wahayu Yuhanna 1.5

«Allah yidi duniyaaru masin. Ngam maajum o hokki Biddo maako bajjo. Koomoy nuddini Biddo oo, halkataa, ammaa o heban ngeendam nduumiidam.»

—Yuhanna 3.16

Ndaa no Allah holliri en yiide muudum: O neli en Biddo maako bajjo haa nder duniyaaru ngam en kebra ngeendam bee maako.

—1 Yuhanna 4.9

Fakat, sirri diina men mawfo:
Almasiihu waŋgi bee bandu ned-
do, Ruuhu Allah seedi mo o ja-
liido. Malaa'ika'en fuu ngi'i mo.
Ummaatooje nani kubar maako.
Yimbe duniyaaru nuddini mo,
haa asama o hebi teddungal bur-
dungal.

—1 Timote 3.16

Haa fudd'am, diga Allah ta-
 gaayno duniyaaru tawon, woodi
 bi'eteedo Wolde. Wolde maajum
 d'onn wondi bee Allah, kayre wo-
 ni Allah. . . . Wolde go laati neddo
 mardo bandu, o joodi caka mee-
 den. . . . Bee maako Allah waŋgi-
 niri mboodeenga mum e goongaa-
 ku mum fuu. —Yuhanna 1.1 he 14

Dum fuu d'um laati ngam goonj-
 dingo ko Jawmiraawo wi'no bee
 hunduko annaboojo: «Paanyo
 debbo reedan, danyan biddo gor-
 ko, be ewnoto innde maako Imma-
 nuyila», bana wi'ugo: «Allah d'on
 wondi bee meed'en.»

—Matta 1.22, 23

«Min e Baabiraawo min goo-
 tum.»

—Yuhanna 10.30

Yeesu wi'i mo: «Filip, duuri mi
 d'on wondi bee mood'on, nden a
 anndaa yam? Koomoy yi'i yam,
 yi'i Baabiraawo. Ngam d'ume a
 wi'i: Hollu min Baabiraawo? A
 nud'dinaay mi d'on nder Baabiraawo,
 Baabiraawo boo d'on nder am
 na? . . . »

—Yuhanna 14.9, 10

YEESU O BIDDO ALLAH

3

Allah d'on wondi bee koomoy
seedi Yeesu woni **Bid'do Allah**,
god'do man boo d'on wondi bee Al-
lah.

—1 Yuhanna 4.15

Malaa'ikaajo wi'i mo: «Ruuuhu
Ceniido waran dow maad'a, baaw-
de Allah **Bangiido** waran dow
maad'a bana d'owdi. Ngam maa-
jum bid'do mo a tammi danyugo,
be ewnoto mo Ceniido e **Bid'do**
Allah.»

—Luka 1.35

En ndanyanaama bingel, en
ndokkaama bid'do gorko! Laamu
wallinaama dow balawal maako.
Be ewnan innde maako: Dawroo-
wo kaayeefijo, Allah cembid'do,
Baaba duumiido, Laam'do salaam-
an.

—Esaaya 9.5

Nde o d'on wolwa tawon, ndaa
ruuldere d'elkannde wari, suddi
be, sawtu iwi haa ruulde man, wi'i:
«Oo woni **Bid'do am gi'aad'o**, mi
d'on seyoro mo masin. Nanane
mo.»

—Matta 17.5

Nder Almasiihu en d'on ngi'a
Allah e no o wa'i fuu.

—Kolossi'en 2.9

Nde Yeesu nani be ngurtini mo,
o tefi mo, o yami mo: «A nud'dini
Bii-ned'do na?» O jaabi: «Moodib-
bo, wi'am, moy woni kaŋko?
Ngam haa mi nud'dina mo.» Yee-
su wi'i mo: «A d'on yi'a mo,
(Bid'do Allah) kaŋko o d'on wol-
wane jonta.»

—Yuhanna 9.35-37

Yeesu jaabi ße: «Onon on iwi haa les, min mi iwi haa dow. Onon on iwi duniyaaru ndu, ammaa min mi laataaki mo duniyaaru ndu.»
 ... Yeesu jaabi ße: «Mi d'on wi'a on bee goonga: Diga Ibrahiima danyaaka, mi d'on.»

—Yuhanna 8.23 he 58

Debbo wi'i mo: «Mi anndi Almasiihu tammi warugo. To o wari, o waŋginanan min kuuje fuu.» Yeesu jaabi mo: «Min bolwanando ma woni kaŋko.»—Yuhanna 4.25, 26

Yeesu wi'i ße: «Min woni tamseere ngeendam. Koomoy wari haa am, meetataa maatugo weelo sam. Koomoy nud'dini yam boo,

meetataa d'omd'ugo sam.

—Yuhanna 6.35

«Yaake mi d'on nder duniyaaru, min woni annoora maaru.»

—Yuhanna 9.5

Yeesu tokki wi'ugo: «Mi d'on wi'a on bee goonga: Min woni dammugal waalde baali.»

—Yuhanna 10.7

Yeesu wi'i mo: «Min woni ummitinoowo, geed'inoowo maaybe. Koomoy nud'dini yam, yeed'an, koo to o maayi boo.»

—Yuhanna 11.25

«On d'on ewno yam moodibbo e Jawmiraawo; d'um goonga boo, ngam mi woni non.»

—Yuhanna 13.13

Nden o umri yimbe njoodo dow hufo. Kaŋko o hoosi tamseeje jowi e liddi didi go, o tiji dow, o yetti Allah. O yewi tamseeje man, o hokki pukara'en, be ndokka yimbe. Be fuu be nyaami, be kaari. Pukara'en moofti luttufum man, d'um heewi cilaaje sappo e d'idi. Limgal nyaambe tamseeje dillani worbe ujine njowo, rewbe e bikkoy limaaka.

—Matta 14.19-21

Simon jaabi mo: «Moodibbo, min kuuwi jemmaare fuu, min kebaay koodume, ammaa nde an wi'i mi wa'a d'um kam, mi sakkinan jubaaji.» Be cakkini jubaaji, be naŋgi liddi duuddi, haa juba-

ji mabbe puddi seekugo.

—Luka 5.5, 6

Wumbe dido don njoodi kombi laawol, be nani Yeesu don saalo, be puddi wookugo, be mbi'i: «Jawmiraawo, bii Daawuda, endu min.» . . . Yeesu . . . yami be: «Kongiddon mi huuwana on?» Be njaabi: «Jawmiraawo, haa gite amin ngi'a.» Yeesu yurmini be, meemi gite mabbe, law yimbe dido go mbumti, be tokki mo.

—Matta 20.30 he 32-34

O yi'i ibbi kombi laawol, o yehi haa maaki, ammaa o tawaay ibbe, sey haakooji tan. Nden o wi'i ibbi: «A meetataa rimugo bibbe sam.» Law ibbi go yoori.

—Matta 21.19

YEESU ALMASIIHU O TAGOOOWO, O JAWMIRAAWO BOO

Bee maako Allah tagri kuuje fuu haa asama e dow lesdi, naa ko yi'ete tan, ammaa ko yi'ataake boo, waato baawdeeji e laamuuji e mawbe asama fuu. Allah tagri kuuje fuu bee Almasiihu, o tagi d'e ngam maako boo.

—Kolossi'en 1.16

«Ngam maajum sey yimbe Isra'iila fuu paama fakat, Yeesu oo, mo on bili haa leggal gaafaangal, kanko on Allah darni haa o laato Jawmiraawo e Almasiihu.»

—Kuude Nelaabe 2.36

Allah bee hoore mum ewni on haa kawtal bee Bid'o mum Yee-

su Almasiihu, Jawmiraawo men. Allah oo woni koolniid'o.

—1 Korintu'en 1.9

Ngam Almasiihu maayi, yeediti haa o laato Jawmiraawo maaybe e yeedbe fuu. —Roma'en 14.9

Ammaa nder bald'e ragareeje de'e, Allah wolwani en bee hunduko Bid'o muudum. Bee maako Allah tagri duniyaaru e asama, o subi mo boo ngam o marna mo kuuje fuu haa foroy.

—Ibraniiko'en 1.2

De fuu d'e teddinan Allah, d'e ceedoto; «Yeesu Almasiihu woni Jawmiraawo.» —Filippi'en 2.11

YEESU ALMASIIHU O KIITOOWO YIMBE FUU 7

To non kam, koni pelata deer-d'a? Malla koni njawotoda deer-d'a? Enen fuu en daroyto yeeso kiita Allah haa o linya en.

—Roma'en 14.10

Mi d'on toro ma yeeso Allah e Yeesu Almasiihu mo hiitoto maaybe e yeed'be fuu. O waran fakat, ngam haa o darna laamu maa-ko. Ngam maajum umran ma mi.

—2 Timote 4.1

«To Bii-ned'd'o wari nder ted-dungal muud'um bee malaa'ika'en muud'um fuu, o jood'oto dow leeso laamu maako. Ummaatooje duni-yaaru fuu moobtoto yeeso maako, o sendan yimbe bana gaynaako

sendirta baali debbi bee jawd'i.»

—Matta 25.31, 32

Baabiraawo hiitataako koomoy, ammaa o hokki Bid'do baawde' hiitaago.

—Yuhanna 5.22

Nyalaade Allah wad'ata kiita dow numooji yimbe sirriiji, d'um fuu d'um wañgan. Kanjum woni seedamku linjiila ka Yeesu Almasiihu umri yam waajugo.

—Roma'en 2.16

«O umri min min ngaajina yimbe fuu linjiila, min ceedo kañko woni mo Allah darni ngam o hiito yeed'be e maaybe.»

—Kuude Nelaabe 10.42

«Min woni dammugal, koomoy nastiri bee am, hisan. O heban nastugo e wurtaago, o heban nyaamdu boo.» —Yuhanna 10.9

Yeesu jaabi mo: «Min woni laawol jahranŋgol haa goonga e ngeendam. Walaa mo hebata yahugo haa Baabiraawo bee laawol feere, sey bee am.» —Yuhanna 14.6

«Ngam maajum mi wi'i on: On maayan nder hakkeeji mood'on. Ngam on maayan nder hakkeeji mood'on to on nud'dinaay min woni mo ngonmi.» —Yuhanna 8.24

Nde o laati timmidid'o, o laati baaba kisndam nduumiidam

ngam koomoy d'owtani mo.

—Ibraniŋko'en 5.9

Ngam Allah jo"inaay en haa maaten tikkere muud'um, ammaen kisra bee Jawmiraawo men Yeesu Almasiihu.

—1 Tessaloniki'en 5.9

Ngam maajum o waawan hisnugó yimbe be o yahri haa Allah jonta e haa foroy, ngam o d'on yeedi haa foroy ngam o torano be Allah.

—Ibraniŋko'en 7.25

«Haa maako tan kebeten kisndam, ngam walaa god'o feere haa duniyaaru sam, mo Allah hokki baawd'e haa en keba hisrugo bee muud'um.»

—Kuude Nelaabe 4.12

Ammaa onon, Allah ewni on haa kawtal bee Yeesu Almasiihu. Almasiihu laati anndal men iwingal haa Allah. Bee Almasiihu kebrud'en yerduye Allah, en laati yimbe Allah senaafe, en rimbe e maayde boo. —1 Korintu'en 1.30

Kaŋko o hokki yoŋki maako ngam meed'en. Bana ni o rimdini en e halleende fuu, o labbini en haa en laato yimbe maako, maral maako, tiinotoobe huuwugo kuu-d'e bood'de. —Titus 2.14

Kadi sey on ngetta Baabiraawo bee seyo ngam kaŋko o yottini on jabugo ged'al kuuje bood'de fuu d'e o sigani yimbe maako nder laamu annoora. Ngam o wurtini en

baawd'e nyibre, o nastini en jam nder laamu Bid'do maako gid'aado. Bee Bid'do oo en kebi ndimu, hakkeeji boo njaafaama.

—Kolossi'en 1.12-14

«Ngam Bii-ned'do wari d'abbi-tugo, hisna ko majji.» —Luka 19.10

Be ngimi yimre hesre bana ni: «An a he'i hoo'ugo deftere, a takkita takkande maare. Ngam a mbaraama, bee maayde maad'a a soottani Allah yimbe iwbe haa assli e d'emde e le'i e ummaatooje fuu.» —Wahayu Yuhanna 5.9

Ammaa Allah endi be, hokkan be yerduye mum caahu. Bee Yee-su Almasiihu o rimdiniri be diga baawd'e hakke. —Roma'en 3.24

To laatake en kebi yerduye Allah bee yiym Almasiihu ndufaad'am ngam meed'en, nden kam en anndi boo Almasiihu hisnan en tikkere Allah warannde.

—Roma'en 5.9

Ngam daliila yiym Almasiihu ndufaad'am kebd'en ndimu e yaafuye hakkeeji men. Bana ni Allah wanginani en mañgu mboodeenga muud'um.

—Efesu'en 1.7

Ammaa to en d'on njood'i nder annoora bana no Allah d'on jood'i nder annoora, en njood'odoto bee narral, yiym Yeesu, Bid'o maako, labbinan en diga hakkeeji meed'en fuu.

—1 Yuhanna 1.7

Ngam on anndi saman ko coot-tiraad'on ngam taa on njood'o bilaa tammunde bana kaakaaji mood'on. . . . Ammaa on kebi ndimu bee yiym cad'd'am d'am Almasiihu, mo laati bana jawgel laabñgel ngel walaa aybe. —1 Piyer 1.18, 19

Nde non kam, yiym Almasiihu buran nafugo piw. Bee Ruuhu nduumiingu o hokkiri yoñki maa-ko haa Allah bana sadaka ka walaalaa aybe koo tis. Yiym maako labbinan berde meed'en, ittan aybeeji meed'en, ngam taa en mbad'a ko yahrata en haa maayde, ammaa en keba huuwango Allah, dokkoowo ngeendam.

—Ibraniñko'en 9.14

KISNDAM DON WAR A DIGA NUDDINGO ALMASIIHU

11

Fakat, kisndam mon d'on dari dow mo"ere maako tan. Naa d'um kuugal mood'on, d'um dokkal Allah ngal njab'don bee nud'dinki.

—Efesu'en 2.8

Yoo, en kebi yerduye Allah ngam en nud'dini mo. Jonta hoo-laare d'on hakkunde maako bee meed'en, barka Jawmiraawo men Yeesu Almasiihu. —Roma'en 5.1

To god'do hawti bee Almasiihu, juulnol malla sooynde juulnol fuu walaa saman, sey nud'dinki ki huuwrata bee yiide tan.

—Galaatiya'en 5.6

Ngam biŋgel Allah fuu waawan jaalaago duniyaaru. Bee nud'dinki

meed'en njaalortood'en duniyaaru.
—1 Yuhanna 5.4

«To a nud'dini Jawmiraawo a-min Yeesu, a hisan, an bee yimbe saare ma fuu.»

—Kuud'e Nelaabe 16.31

... «Noy min mbadata haa min kuuwa kuud'e de Allah yidi?» Yee-su jaabi be: «Ndaa kuugal ngal Allah d'abbata haa mood'on: On nud-dina mo o neli.» —Yuhanna 6.28, 29

Ammaa ko winda nder maare, d'um windaama ngam on nud'di-na Yeesu woni Almasiihu, Biḍḍo Allah, ngam haa on kebra ngee-ndam bee nud'dinki maajum.

—Yuhanna 20.31

Bana asama towri dow lesdi, bana non mo'ere maako mawniri dow hulþe mo.... Ammaa hinnuye Jawmiraawo dow hulþe mo duumoto, mo'ere maako yottoto biþþe e taaniraabe boo.

—Jabuura 103.11, 17

Yettoore laatano Allah,... ngam o baabiraawo end'oowo, o Allah de'itinoowo min foroy.

—2 Korintu'en 1.3

(Ya Allah) Moy d'owantedeo nandi bee maad'a? A d'on yaafó hakkeeji, a d'on sudda aybe luttuþe yimþe maad'a. —Mika 7.18

Mo'ë Jawmiraawo timmaay, hinnuye maako walaa keerol, nde

weeti fuu hinnuye maako hesditan, goonjaaku maako tabiti.

—Gime Boyki 3.22, 23

Hinnuye ma yottoto asamanji, non boo goonjaaku ma.

—Jabuura 108.5

O hisni en, naa ngam en kuuwi ko fottani mo, ammaa ngam o end'i en. Nde keþd'en ngiiwam baptisma, Ruuhu Ceniido danyi en fahin, laatini en yimþe hesþe.

—Titus 3.5

Ngam maajum taa en kula badi-taago leeso laamu Allah haa mo'ere tawete. En keban end'am e mo'ere ton, koondey en tampi fuu. —Ibraniþko'en 4:16

ALLAH DON EWNA EN EN NGARA HAA MAAKO

13

«Kadi, ngare haa mbañen kii-ta»—non Jawmiraawo wi'i. «Kooto hakkeeji moodon mbooji coy, di ndanwan bana mallimallooje.»

—Esaaya 1.18

Ruuhu e bangteedø mbi'i: «War!» Koomoy nani d'um, sey wi'a: «War!» Koomoy d'omdi, koomoy yidi, sey wara, jaba ndiyam ngeendam caahu.

—Wahayu Yuhanna 22.17

«Onon sombe e roondiibe doongle teddude fuu, ngare haa am, mi ittan an on doongle man.»

—Matta 11.28

Jawmiraawo wi'i: «Hey! onon d'omdaabe, ngare haa ndiyam.

Onon be ngalaa ceede, ngare, coode, nyaame! Ngare le, coode, naa bee ceede malla saman coggu, coode inaboojam e kosam.

—Esaaya 55.1

Nyalaade timminirde juulde, kayre buri nyald'e god'e samdinneego. Nyande maajum Yeesu ummi, dari caka yimbe. O wolwi bee sawtu, o wi'i: «Koomoy d'omdi, wara haa am, yara.»

—Yuhanna 7.37

Nde Yeesu yi'i d'um, o berni, o wi'i pukara'en maako: «Acce bikkoy pamaroy ngara haa am. Taa kañe koy, ngam laamu Allah woodani irin maakoy.» —Markus 10.14

14 NAA YIMBE FUU LAATI BIBBE ALLAH

Ammaa to godfo wadi kalludum, wanyi deerdum boo, nden kam o laataaki fiigel Allah. Bana ni godfo sendindirta bikkoy Allah bee bikkoy Sayfaanu.

—1 Yuhanna 3.10

Dowaabe Ruuhu Allah fuu, kambe laati bibbe Allah. Walaa haaje on pudita diwnugo yeeso Allah, ngam Ruuhu ngu o hokki on, latinaay on maccube maako, ammaa bibbe maako. Ruuhu maako don joodi nder meeden. Ngam maajum mbi'eten Allah: «Baaba!»

—Roma'en 8.14, 15

Ngam haa on laato laabbe be ngalaa aybe, on bibbe Allah tim-

muube caka yimbe duniyaaru wonniibe, hallube. Sey on njayna caka mabbe bana koode asama.

—Filippi'en 2.15

Ngam maajum o wi'i boo: «Ngurte caka mabbe, cende bee mabbe. Taa meeme cobdum. Nden kam mi jabon on, mi laatoto baaba mon, onon boo on laatoto bibbe am worbe e rewbe. Ni Allah Baawd'o wi'i.»

—2 Korintu'en 6.17, 18

Ammaa wodbe njaabi nde, nud-dini nde. Kambe, nde hokki be baawde laataago bibbe Allah.

—Yuhanna 1.12

KO ALLAH YECCI DOW YARUGO NGUYKINOOJAM

15

Ko suuno ned'o laatinta, d'um bangud'um: njeenu e kuud'e coðde, cemtiniid'e, e cujidanki labbi e hii-laaji e nganyngu e habre e kaajal e tikkere e jokkirli e luural e bidu'aakuuji, e nganyaandi e wuy-kere e pijirle kallud'e e kuud'e god-de irin ðe'e. Ko mbi'mi on diga boooma, sey mi wi'a d'um fahin: Huwanþe irin kuud'e ðe'e keba-taa joonde nder laamu Allah.

—Galaatiya'en 5.19-21

Sey kuuwen ko fotti ngam en yimþe nyalawma: walaa pijirle kallud'e e wuykere, walaa daakaa-reeku e coðki, en acca jokkirgol e

kaajal boo. Acce Jawmiraawo men Yeesu Almasiihu laamano ngeendam mon fuu. Taa cuklane gidaadi mon, ngam taa di njaalo on.

—Roma'en 13.13, 14

Bone laatanto dawooþe cub haa þe ðabbiita ngukinoojam, fabþooþe haa esaa'i haa inaboojam ja-na þe.

—Esaaya 5.11

Taa laar inaboojam no ð'am woojiri, no ð'am yaynirta nder jar-dugel. Dam mod'oto bee koyd'um, ammaa baawod'on ð'am ngatan bana mboodi, hoore ma yiiloto ba-na to foosokre ngati ma.

—Balndi 23.31, 32

Yeesu jaabi mo: «Yid Allah Jawmiraawo ma bee bernde ma fuu, bee yoŋki ma fuu, e bee ruuhu maad'a fuu. Kanjum woni umroore burnde mawnugo e teddugo. Ndaa d'id'awre fotannde bee maa-re: Yid keeddi d'iraawo maad'a bana a yidiri hoore ma.»

—Matta 22.37-39

Nde Yeesu naŋgi laawol fahin, god'd'o wari bee doggugo, tuggi koppi yeeso maako, yami mo: «Moodibbo bood'o, d'ume mi wa-d'ata haa mi heba ngeendam nduumiid'am?» Yeesu jaabi mo: «Ngam d'ume a wi'atammi mi bood'o? Sey gooto tan woni

bood'o, Allah on! A anndi um-rooje: Taa mbar hoore, taa wad njeenu, taa wujju, taa seeda fewre, taa wad rikisi, teddin baaba ma e daada ma.» Kaŋko o wi'i: «Moodibbo, d'um fuu, mi reeni d'um di-ga mi biŋgel tawon.» Yeesu yidi mo, laari mo, wi'i mo: «Nden kam lutti sey gootum: Soorrku a mari fuu, hokku d'um talaka'en. Ba-na non a hebata ndesaari haa asa-ma. Nden war, tokkam.» Nde o na-ni bolle d'e'e, bernde maako naawi, o dilli, ngam o diskud'o masin.

—Markus 10.17-22

A tammi laawol ma fotti na?
Teema ngol yahran ma haa maay-de.

—Balndi 16.25

TAA ESTE KO'E MON

17

Taa este ko'e mon! Allah accataa god'o fijira mo. Ko ned'o aawi fuu, kanjum sodata.

—Galaatiya'en 6.7

Bikkoy am, taa god'o esta on. Bad'o ko fotti, o goongaajo bana Almasiihu o goongaajo. Mo accay wad'ugo hakke, don nder junjgo Sayd'aanu, ngam diga fud'dam Sayd'aanu nasti wad'ugo hakke.

—1 Yuhanna 3.7, 8

On anndi hallube kebataa bar-kaaji laamu Allah. Taa este ko'e mon! Daakaaje e tokkiibe labbi e jeenoobe e luudu'en, non boo wuybe e suunaabe riba e wuykoo-be e wadoobe tufle e jaftoobe, be

fuu be ngi'ataa laamu Allah.

—1 Korintu'en 6.9, 10

Taa acce god'o esta on bee haa-laaji meereeji. Ngam daliila kuuje de'e fuu tikkere Allah ukkanto koobeye be d'owtantaako mo.

—Efesu'en 5.6

Taa on numa nanugo wolde Allah tan he'i. Aa'a, sey on mbad'a ko nde wi'i on. —Yakuba 1.22

To god'o laari hoore mum bana o mawd'o, ammaa o laataaki non, nden kam o majjini hoore maako.

—Galaatiya'en 6.3

«Ngam d'uud'be koosan innde am, be ngara, be mbi'a: Min woni Almasiihu. Be majjinan yimbe d'uud'be.» —Matta 24.5

Hakke nasti duniyaaru ngam daliila ned'do gooto. Bee hakke man, maayde boo nasti. Maayde laati dow yimbe fuu, ngam be fuu be mbadi hakke. —Roma'en 5.12

To suuno man rimi, d'um warti hakke. To hakke mawni, d'um ri-man maayde. —Yakuba 1.15

Tokkiid'o gid'aad'i mum maa-yan, ammaa tokkiid'o Ruuhu Allah heban ngeendam e jam. Tok-kiid'o gid'aad'i mum woni konnee-jo Allah. O d'owtantaako umroore Allah, fakat o waawataa d'owta-naago nde sam. —Roma'en 8.6, 7

«Bad'o hakke, kaŋko on maa-yata. Bid'o yarataa bone ngam hakkeeji baaba mum, malla baaba

ngam hakkeeji biyum. Bood'o heban mbarjaari kuud'e mum bood'e, kalludo boo yaran bone ngam kuud'e mum kallud'e.»

—Ejekiyel 18.20

«Haani en perto, en ceyo, ngam deerd'iraawo ma oo, o maayno, o yeediti, o majjuno, o heftaama.»

—Luka 15.32

Goongaaku yahran haa ngeen-dam, taasnugo halleende yahran haa maayde. —Balndi 11.19

Dume kebnoonf'on bee kuud'e mon? Fakat on d'on cemtira d'um jonta, ngam timmoode kuud'e man wonno maayde.

—Roma'en 6.21

Ammaa saa'i Allah ummitini
mo diga maayde, o tabitini mo
Bid'do maako mo o hokki d'um
baawd'e fuu. —Roma'en 1.4

Nde o wolwi bolle d'e'e, o wi'i
bee sawtu: «Laajarus, wurta!»
Maayd'o wurti, kosd'e maako e
juud'e maako d'on taari bee leppi,
yeeso maako boo saawaango bee
limce. Yeesu wi'i be: «Piste mo,
acce mo o dilla.»

—Yuhanna 11.43, 44

Nden o yehi, o meemi doondor-
d'um maayd'o man. Roondiibe
ndari. Yeesu wi'i: «Sukaajo, mi
wi'i ma: Umma.» Maayd'o ummi,
joodsi, fudd'i wolwugo. . . .

—Luka 7.14, 15

«Baabiraawo yidi yam, ngam
mi hokkan yoŋki am haa mi hoosita
ki fahin. Walaa mo hoosata
yoŋki am, mi hokkan ki bee anni-
ya am. Mi woodi baawd'e hokkugo
ki, mi woodi baawd'e hoositugo ki
boo. Bana non kuuwranmi bee
umroore Baabiraawo am.»

—Yuhanna 10.17, 18

«Min woni geeto! Mi maayino,
ammaa ndaa, mi geeto haa foroy.
Mi woodi baawd'e dow maayde, e
dow joonde maaybe boo.»

—Wahayu Yuhanna 1.18

Bana Baabiraawo ummitinirta
maaybe, yeeditina be, bana non
Bid'do boo hokkirta ngeendam
haa mo o yidi fuu. —Yuhanna 5.21

Taa jab d'owanteebe wodbe, sey min feere am.

«Taa huuwan hoore ma lawru koonduye, koo foto tagdi koondiye nder asama, malla dow lesdi, malla nder ndiyam les lesdi. Taa sujidan d'i, taa teddin d'i

«Taa wolwu innde Allah Jawmiraawo ma meere. Ngam fakat mi hiitoto koomoy kuuwtnird'o innde am ngam kuuje meereeje.

«Hakkilan nyande siwtorde, sennde bana min Allah Jawmiraawo maad'a mi umri ma. Nder nyald'e joweego a huuwan kuugal ma fuu. . . .

«Teedin baaba ma e daada ma,

bana min Allah Jawmiraawo maad'a mi umri ma.

«Taa mbar hoore.

«Taa wad' njeenu.

«Taa wujju.

«Taa seeda fewre dow keeddid-d'iraawo ma.

«Taa suuna debbo keeddid'd'a. Taa suuna saare maako, koo gese maako, koo maccudo maako, koo kord'o maako, koo ngaari maako, koo wamnde maako, kood'ume ko keeddid'd'a mari fuu.»

—Tooktaaki Tawreeta 5.7-21

Ndaa, mi d'on hokka on umroore hesre: Ngid'indire. Sey on ngid'indira bana mi yidiri on.

—Yuhanna 13.34

Gite Allah dow laawol bii-Aada-ma, o d'on yi'a kootoy ned'do yaha-ta. Walaa nyibre koo d'owdi balee-ri boo ngam haa bad'do junuuba fuu nyukkoro. —Ayuba 34.21, 22

«Woodi nyukkotood'o haa pellel ngel mi yi'ataa mo na? Non Jaw-miraawo wi'i. Naa min woni gon-d'o kootoy haa asama e dow lesdi na?» —Yeremiya 23.24

Gite Jawmiraawo d'on kootoy, d'e d'on ndaara hallube e wood'be.
—Balndi 15.3

Ngam walaa cuudiidum d'um waqintaake, walaa sirrijum boo d'um anndataake, waqintaake.
—Luka 8.17

Walaa ko nyukkanto Allah. Kood'ume fuu d'on wangi haa gite maako. Doole en fuu en njaabano ko'e meed'en yeeso maako. Ngam wolde Allah d'on yeedi, d'on huu-wa. Nde buri kaafahi kookiye mar-ki mbeldiji d'idi ta"ugo. Nde d'on ta"a haa yotto kawtirde i'e e mbo-sam, waato yoŋki e ruuhu. Nde d'on hiito suunooji e numooji ber-de yimbe. —Ibraniŋko'en 4.13, 12

To mi eeŋgi haa asama—an woni ton. To mi we"iti nder joonde maaybe boo—an woni ton. . . . Fa-kat, ngam maad'a nyibre man nyibbataa, koo jemma boo laatan-to ma bana nyalawma.

—Jabuura 139.8 he 12

22 KIITA NDUUMIIKA DOW BE ANNDAAN ALLAH

«Bii-ned'o nelan malaa'ika'en muud'um, be ngurtina hallube fuu nder laamu Allah, be ngudina be nder yiite. Haa ton be mboyan, be kiryindiran nyi'e.»—Matta 13.41, 42

Joonde maaybe woni timmitir-de hallube, heefeerbe yejjitbe Allah fuu njahan ton. —Jabuura 9.18

Ngam asama e lesdi ko en ndaarata jonta, njood'i ngam Allah yi-di non tawon. Ammaa d'um tam-mi halkugo bee yiite. Allah jogi d'um haa nyande o hiitoto hallube, o halka be. —2 Piyer 3.7

Kambe be hiitorteebe halkere duumiinde, be sendeteebe bee Jawmiraawo e teddungal baawde-mum. —2 Tessaloniki'en 1.9

«To juŋgo ma malla kosŋgal ma nastinte nder hakke, ta'u d'um, wudin d'um daayiid'um. Ndikka a nasta ngeendam nduu-miid'am bee juŋgo wooto malla kosŋgal gootal, dow nastugo yiite duumiingge bee terde ma fuu.»

—Matta 18.8

«Be yahreteebe haa yangada nduumiika, ammaa goonga'en ke-ban ngeendam nduumiid'am.»

—Matta 25.46

Bernuki Allah mo asama waŋgi diga jonta. O d'on bernana yimbe, ngam be teddinaay mo, be luuti muuyo maako. Halleende mabbe hadi goonga waŋgugo.

—Roma'en 1.18

«Ngam o wadi nyande nde o hii-toto duniyaaru fuu bee goonja, bee god'o mo o subi. O goonjfini-ri d'um bee ummitingo mo diga maayde.» —Kuude Nelaabe 17.31

Jawmiraawo anndi no hisnirta tokkiibe mo diga torra mabbe. O anndi boo no o aynirta hallube ngam haa o hiito be nyande kiita.

—2 Piyer 2.9

To yiide Allah huwi ko yidi nder meed'en, en kulataa nyande kiita sam, ngam joonde meed'en nder duniyaaru ndu laati woore bee nde Almasiihu.

—1 Yuhanna 4.17

Doole en fuu en mbangoya yeeso leeso kiita Almasiihu. Saa'i

maajum koomoy meed'en heban mbarjaari deydey kuude mum haa duniyaaru, koo bood'e koo kallude. —2 Korintu'en 5.10

Mi yi'i maaybe fuu, mawbe e leesbe, be d'on ndari yeeso leeso laamu. Defte maabitama. Nden deftere feere maabitama, d'um deftere ngeendam. Maaybe kiitama fodde kuude muudum'en bindaad'e nder defte.

—Wahayu Yuhanna 20.12

Koomoy fuu maayan nde woore, baawod'on Allah hiitoto mo.

—Ibraniqko'en 9.27

Saa'i maajum koomoy meed'en jaabanto hoore mum yeeso Allah.

—Roma'en 14.12

Waato haala man fuu darataako dow muuyo ned'o malla tii-naare mum, sey dow hinnuye Allah.
—Roma'en 9.16

«Allah d'on saatana mantoobe, ammaa o d'on mo"ana yanjinibe.»
—1 Piyer 5.5

On anndi mo"ere nde Jawmiraawo men Yeesu Almasiihu wafani on. Koo o diskudo, o wartiri hoore maako o talakaajo ngam daliila mood'on, haa o riskina on bee talakaaku maako. —2 Korintu'en 8.9

Ammaa dokkal ngal Allah hokkata en bee god'o oo, nandaay bee aybewol Aadamu sam. Fakat, yimbe d'uud'be maayi ngam gooto

wadi aybe. Ammaa mo"ere Allah buri mawnugo piw, non boo dokkal ngal o hokkata yimbe d'uud'be ngam daliila ned'o gooto, waato Yeesu Almasiihu. —Roma'en 5.15

... Ammaa to hakke besdake, mo"ere Allah burtan besdaago. Baawde hakke wañgiri bee maaye. Ammaa baawde mo"ere Allah e goongaaku mum d'on wañga bee ngeendam nduumiid'am d'am kebd'en barka Yeesu Almasiihu, Jawmiraawo men. —Roma'en 5.20, 21

Bee baawde d'uud'de nelaabe ceedi ummitineeki Jawmiraawo Yeesu, Allah barkidini be fuu bee barka d'uud'ka.

—Kuu'de Nelaabe 4.33

Allah munyani yimþe nde be andaano haala maako, ammaa jonta o umri yimþe kootoy fuu be tuuba, be acca laabi maþþe kalludi.

—Kuude Nelaabe 17.30

Mi d'on wi'a on, naa non, ammaa to on tuubaay, on kalkan bana non, on fuu.

—Luka 13.3

O wi'i: «Tuube, ngam laamu Allah þadake.»

—Matta 3.2

Piyer jaabi: «Tuube, acce hakkeeji mood'on, koomoy jaþa ngiiwam baptisma bee innde Yeesu Almasiihu. Nden Allah yaafanto on hakkeeji mood'on, o hokkan on Ruuhu maako Ceniiþgu.» . . .

«Tuube, ngaylite haa Allah, ngam haa o yaafano on hakkeeji mon.»

—Kuude Nelaabe 2.38; 3.19

«Acce kuude mon kallufu, kesd'itine berde mon e hakkiilooji mon. . . .»

—Ejekiyel 18.31

Cuud'ando aybeeji mum heftaa saa'a, ammaa mo wañgini di, acci di, heftan hinnuye.

—Balndi 28.13

Ngam suno ngo Allah huuwtnirta d'um, laatinan tuubu, tuubu boo waddan kisndam. Nder suno bana ngo'o, mimsitaare woodaa. Ammaa suno fodde gikku duniyaaru yahran haa maayde.

—2 Korintu'en 7.10

«To kalluđo acci wadugo hakkeeji, to o d'owtanake umrooje am fuu, to o huuwi ko fotti, ko woodi, nden kam o maayataa, o yeed'an fakat.» —Ejekiyel 18.21

Sey kalluđo acca laawol mum, mard'o hakke acca numooji mum. O lorto haa Jawmiraawo, kaŋko o end'an mo, O lorto haa Allah men, ngam o yaafoto d'uud'um.

—Esaaya 55.7

... waaju yaafuye hakkeeji warani on bee Yeesu. . . . Allah boo teddini mo, jo'ini mo haa nyaamo muud'um haa o laato mawđo, kisnoowo, haa o holla yimbe Isra'iila

laawol tuubugo, hakkeeji mađbe njaafe. —Kuude Nelaabe 13.38; 5.31

Nde Yeesu yi'i nud'dinki mađbe, o wi'i waata-terdeejo: «Bingel am, hakkeeji ma njaafaama.»

—Markus 2.5

«Nan! Mi d'on dari haa dammugal, mi d'on silmino. To godđo nani sawtu am, mađbiti dammugal, mi nastan suudu maako, mi nyaamdan bee maako, kaŋko boo, o nyaamdan bee am.»

—Wahayu Yuhanna 3.20

«To on d'on njaafano wad'be on aybe, Baabiraawo mood'on mo asama yaafanto on hakkeeji mood'on boo.»

—Matta 6.14

Ngam Allah wañgini mo'ere mum, haa yimbe fuu kisa. Mo'ere maajum d'on tiñfina en accugo halleende e suunooji duniyaaru fuu, haa en njoodo bee hakkiilo e goongaaku e kulol Allah nder duniyaaru ndu.

—Titus 2.11, 12

Tokke numtugo kuuje gonde ton, naa kuuje duniyaaru.

—Kolossi'en 3.2

Taa kawte bee huuwoobe kuud'e meereeje ñe nyibre, ammaa mbañgine kuud'e man.

—Efesu'en 5.11

Taa ñakkotire bee duniyaaru ndu, e kuuje maaru fuu. To god'do ñakkotiri bee duniyaaru, o waa-wataa yiñugo Baabiraawo. Noy

duniyaaru wa'i? Yimbe d'on tokko suunooji muud'um'en, be ngi'an huunde, be ñabba hebugo d'um, be d'on mantoro maral e baawde. Dum fuu d'um iwaay haa Baabi-raawo, haa duniyaaru d'um iwi.

—1 Yuhanna 2.15, 16

Onon tuurtanooße Allah! On anndaa soobaaku bee duniyaaru d'um konnaagu bee Allah na? To on coobri bee duniyaaru, nden kam on laati konne'en Allah.

—Yakuba 4.4

Ngiwe, labbine ko'e moodon, cottine halleende kuude mon yee-so am, acce huuwugo kallud'um.

—Esaaya 1.16

«Mi hokkan on berde kese e ruuhuji kesi. Mi wurtinan berde caatude nder balli mon, mi hokka on berde d'elemde.»

—Ejekiyel 36.26

Koomoy hawti bee Almasiihu, laati neddo keso. Ko o laatino booyma, saalake, koodume fuu laati kesum. —2 Korintu'en 5.17

Yeesu jaabi mo: «Mi d'on wi'e bee goonja: Neddo waawataa yi'ugo laamu Allah, sonaa to o danyaama didawre.»

—Yuhanna 3.3

On anndi Almasiihu o goonggaardjo. Ngam maajum on anndi, koomoy huuwi ko fotti, laatake bingel Allah. . . En anndi walaa bingel

Allah tokkoto wadugo hakke, ngam Biddo Allah d'on ayna mo, kalludo hebataa meemugo mo.

—1 Yuhanna 2.29; 5.18

. . . Ammaa jonta hakkeeji mon lootaama, on laati yimbe Allah sennaabe, on kebi yerduye maako bee innde Jawmiraawo men Yeesu Almasiihu e Ruuhu Allah men.

—1 Korintu'en 6.11

Ngam on laati danyaabe hesbe bee wolde Allah yeere nde timmataa. On danyaabe haa Baabiraawo mo maayataa. —1 Piyer 1.23

Koomoy jaabi Biddo Allah, woodi ngeendam, mo jabaay Biddo Allah, o walaa ngeendam.

—1 Yuhanna 5.12

MAAYUGO HEEDI HAKKE—UMMITAAGO BEE ALMASIIHU

29

Naane kam on maaybeno, ngam on d'owtanaaki Allah, on mbad'i aybeeji. . . . Allah ummitini en bee Almasiihu, jo"idini en bee maako haa asamanji. —Efesu'en 2.1 he 6

Almasiihu bee hoore muudum roondi hakkeeji meed'en haa bandu muudum dow leggal gaafaaengal, ngam haa en laato maaybe hedi hakke, ammaa yeed'be hedi mboodeenga. —1 Piyer 2.24

On ummiti bee Almasiihu, on kebi ngeendam kesam. Ngam maa-jum tiitine numooji mon dow kuu-je asama, haa Almasiihu joodi haa nyaamo Allah. Tokke numtu-

go kuuje gonde ton, naa kuuje du-niyaaru. Ngam on maayi, ngee-ndam mood'on d'on suudi bee Al-masiihu haa Allah.

—Kolossi'en 3.1-3

Koomoy laati god'o Yeesu Al-masiihu, tiggi hoore mum bee gi-d'aadi e suunooji fuu haa gaafaa-ngal. Ruuhu Allah hokki en ngee-ndam, sey en d'owtano Ruuhu maajum bee yonkiji men fuu.

—Galaatiya'en 5.24, 25

Bana non onon boo ndaare ko'e mon on maaybe hedi hakke, ammaa nder kawtal bee Almasiihu on yeed'be ngam Allah.

—Roma'en 6.11

To god'do aawi dow ngesa suunoji mum, codol ngesa maajum laatoto maayde tan. Ammaa to o aawi dow ngesa Ruuhu, Ruuhu fudnanan mo ngeendam nduumiid'am.

—Galaatiya'en 6.8

«Bana no Muusa biliri mboodi njamndi mbod'eeri dow leggal nder ladde, bana non be bilan Bined'do boo. Nden kam koomoy nud'dini mo heb'an ngeendam nduumiid'am.» —Yuhanna 3.14, 15

«Ndaa ko woni ngeendam nduumiid'am: Be anndi an woni Allah goonngaajo, gooto, be anndi boo Yeesu Almasiihu, nelaad'o ma.»

—Yuhanna 17.3

Koomoy nud'dini Bid'do, hebi ngeendam nduumiid'am. Koomoy sali Bid'do, hebataa ngeendam sam, ammaa tikkere Allah tabitan dow maako.

—Yuhanna 3.36

Ngam ngeenaari hakke, d'um maayde. Ammaa Allah d'on mo"ana en ngeendam nduumiid'am nder kawtal bee Yeesu Almasiihu, Jawmiraawo men.

—Roma'en 6.23

«Mi d'on wi'a on bee goonga: Koomoy nani bolle am, nud'dini nel'd'o yam boo, hebi ngeendam nduumiid'am, kiita naangataa mo. O saalake maayde, o yottake ngeendam nduumiid'am.»

—Yuhanna 5.24

Ruuuhu Allah d'on tabitina seedamku ruuhuuji men: En biibbe Allah fakat. —Roma'en 8.16

Dume woni seedamku ngu? Allah hokki en ngeendam nduumiid'am, ngeendam d'am laati d'am meed'en nder Biyyiko. Koomoy jaabi Bid'do Allah, woodi ngeendam, mo jabaay Bid'do Allah, o walaa ngeendam. Onon nud'dinbe Bid'do Allah, mi windani on d'um ngam haa anndon fakat on ngoodi ngeendam nduumiid'am.

—1 Yuhanna 5.11, 12, 13

«Koomoy jogi umrooje am, d'owtani d'e, kaŋko woni giid'o yam. Baabiraawo yiðan giid'o yam, min boo mi yiðan mo, mi

waŋginanan mo hoore am.»

—Yuhanna 14.21

Koomoy huuwan ko fotti, ngam maajum jam e de'ere e hoolaare laatoto haa foroy. —Esaaya 32.17

Onon on laati biibbe Allah fakat. Ngam maajum o hokki on Ruuhu Bid'do maako nder berd'e mon, ngu d'on ewno: «Abba!» waato: «Baaba am!» —Galaatiya'en 4.6

Allah hokki en Ruuhu muudum. Ngam maajum en anndi fakat en ngoodi kawtal bee maako, kaŋko boo d'on wondi bee meed'en.

—1 Yuhanna 4.13

To en d'owtanake umrooje Allah, nden kam en anndi mo fakat.

—1 Yuhanna 2.3

«Jonta mi d'on yaha haa maad'a, mi d'on wi'a d'um fuu diga mi d'on duniyaaru tawon, ngam haa berde mabbe keewa seyo am.»

—Yuhanna 17.13

«... ammaa mi yi'an on fahin. Nden kam berde mood'on ceyoto, walaa mo ittata seyo mood'on sam.»

—Yuhanna 16.22

Laamu Allah kam, naa d'um haala nyaamdu e njaram, ammaa d'um haala goongaaku e hoolaare bee Allah, e seyo ngo Ruuhu Ceniiido hokkata.

—Roma'en 14.17

Naa min yeedata jonta, ammaa Almasiihu d'on yeed'a nder am.

Yaake mi d'on yeed'a nder duniyaaru ndu, mi d'on yeed'a bee nud-dingo Bid'do Allah mo yidi yam, hokki yoŋki mum ngam am.

—Galaatiya'en 2.20

Bee seyo nyed'oton ndiyam haa ceebooje, bana non on ceyorto Allah mo seefboore kisndam.

—Esaaya 12.3

«Mi yecci on d'um ngam haa seyo am hebbina berde mood'on, seyo mood'on boo heewa.»

—Yuhanna 15.11

A sappintam laawol ngeendam, seyo d'uud'ngo kebanmi haa maad'a, junjgo ma hokkatam welwe-looji duumiidi.

—Jabuura 16.11

«Ammaa to on nananaay Jawmiraawo, to on d'owtanaaki umrooje maako, nden kam o honan on bana o honno kaakaaji mon.»

—1 Samuyila 12.15

On anndaa na? Mo mbad'on ko'e mon maccube mum, kaŋko d'owtantood'on. To on d'on d'owtano hakke, nden kam on maayan. To on d'on d'owtano Allah, nden kam on keban yerduye maako.

—Roma'en 6.16

Ammaa onon billiibe jonta, o siwtinan on bee amin. Kanjum d'um laatoto saa'i Yeesu, Jawmiraawo men mo asama, wangata haa duniyaaru, kaŋko e malaa'ika-

'en maako, seedooße baawd'e maako. O waran bee yiite hubbanjge ngam haa o hiito heefeerbe be teddinaay Allah, e koobeye be d'owtanaaki linjiila Jawmiraawo men Yeesu. Kambe be hiitorteebe hal-kere duumiinde, be sendeteebe bee Jawmiraawo e teddungal baawd'e mum.

—2 Tessaloniki'en 1.7-9

«Ndaa mi d'on wallinana on han-de barka e naaloore. Sey on cuba! Barka laatanto on, to on d'owtana-ke umrooje Allah Jawmiraawo mon, d'e umranmi on hande. Am-maa naaloore laatanto on, to on d'owtanaaki umrooje d'e'e»

—Tooktaaki Tawreeta 11.26-28

De fuu d'e teddinan Allah, d'e ceedoto: «Yeesu Almasiihu woni Jawmiraawo.» —Filippi'en 2.11

«Koomoy seedi yam yeeso yim-be, min boo mi seedoto mo yeeso Baabiraawo am mo asama. Am-maa mo seedaaki yam yeeso yim-be, min boo mi seedataako mo yee-so Baabiraawo am mo asama.»

—Matta 10.32, 33

Ngam koomoy sali Bid'do, sali Baabiraawo boo. Mo jaabi Bid'do, jaabi Baabiraawo boo.

—1 Yuhanna 2.23

Ngam maajum, to god'do semti yam e bolle am, Bii-ned'do semtan mo yaake o warata bee ted-

dungal maako e ngal Baabiraawo maako, e ngal malaa'ika'en seniibe.

—Luka 9.26

Ndaa wolde hoolniinde: to en maaydi bee maako, en ngeed'an bee maako boo. To en d'on munyna bone, en laamoto bee maako boo. To en calake mo, kaŋko boo o saloto en.

—2 Timote 2.11, 12

To a seedake bee hunduko ma: «Yeesu woni Jawmiraawo», to a nud'dini bee bernde ma Allah um-mitini mo diga maayde, nden kam a hisan. Nud'dind'o bee bernde heban yerduye Allah, ceediido Almasiihu bee hunduko boo hisan.

—Roma'en 10.9, 10

Kakkile, ayne! Ngam konneejo mood'on, waato Iblisa, d'on halli bana mbarooga mbeelaanga te-fanŋga mo o nyaama. —1 Piyer 5.8

«Ngam a maßbita gite maßbe, a wurtina be nyibre, a yahra be haa annoora; a hisna be baawd'e Say-d'aanu, be nasta baawd'e Allah, ngam haa be keba yaafuye hak-keeji maßbe, be nasta joonde maßbe caka subaab'e Allah bee nud-d'ingo yam.»—Kuud'e Nelaabe 26. 18

Too, baawodon Ruuhu Allah yahri Yeesu haa ladde ngam Iblisa jarribo mo. Ammaa Yeesu wi'i mo: «Dillu, accam, an Iblisa,

ngam deftere wi'i: Sujidan Allah Jawmiraawo maad'a tan, kaŋko feere maako a huuwanta.» Saa'i maajum Iblisa acci Yeesu, nden malaa'ika'en ngari haa maako, kuuwani mo. —Matta 4. 1 he 10, 11

Kalludo oo waran bee baawd'e Sayd'aanu, huwan kuud'e maw-d'e e kaayeefiji pewooji.

—2 Tessaloniki'i'en 2.9

Yeeso d'o, cembid'e nder kawtal mon bee Jawmiraawo. Acce baawd'e maako mawd'e cembid'in on. Koo'e balmi Allah fuu ngam haa on keba dartanaago dabareeji Iblisa.

—Efesu'en 6. 10, 11

Bibbe man ngoodi bandu e yiyan, ngam maajum Yeesu bee hore muudum laati bana mabbe, o hoo'i bandu bana ndu mabbe. O wadi d'um ngam haa, bee maayde maako, o halka mard'o baawde dow maayde, waato Iblisa.

—Ibraniŋko'en 2.14

Mo accaay wad'ugo hakke, d'on nder juŋgo Saydaanu, ngam diga fuḍḍam Saydaanu nasti waḍ'ugo hakke. Ngam maajum Almasiihu wari halkugo kuude Saydaanu.

—1 Yuhanna 3.8

To non kam, moy waawata sendugo en bee yiide Almasiihu? Bone na, billaare na, toonyaare

na, weelo na, talakaaku na, joote na, malla kaafahi? Ammaa nder kuuje d'e'e fuu en keban jaalorgal timmungal bee ballal Almasiihu, gif'do en. —Roma'en 8.35 he 37

Ngam maajum tuubane Allah. To on ndartake Saydaanu, o doggan on. Badite Allah, kaŋko boo o badititto on. . . . —Yakuba 4.7, 8

Baawo maajum kalludo go waŋgan. Ammaa Yeesu, Jawmi-raawo men mbaran mo bee poofde hunduko mum, halkan mo bee baŋguki mum saa'i o waroya. Kalludo oo waran bee baawde Saydaanu, huuwan kuude mawde e kaayeefiji pewooji.

—2 Tessaloniki'en 2.8, 9

YIIDE MEN DON HOLLA NO EN DON LAATTI PUKARA'EN YEESU

37

To mi anndi wolwugo d'emde
yimbe e malaa'ika'en fuu, ammaa
mi walaa yiide, nden kam mi nan-
dan bee njamndi iidoori malla bee
koensiire hooloore.

—1 Korintu'en 13.1

Ammaa Ruuhu Allah d'on maw-
nina nafuda feere, waato yiide e
seyo e hoolaare e munyal e end'am
e mboodeenga e goongaaku e yaŋ-
kinaare e naŋtaare. . . .

—Galaatiya'en 5.22, 23

Nden o wolwani mo d'id'awre, o
yami: «Simon bii Yuhanna, a yidi
yam na?» O jaabi: «A anndi mi yi-
di ma.» Yeesu wi'i mo: «Hakkilan
baali am.» —Yuhanna 21.16

Yeesu tokki wi'ugo: «To on ngi-
di Yam, on njogoto umrooje am.»

—Yuhanna 14.15

To god'o wi'i yidi Allah, am-
maa d'on wanya deerdum, o fewi.
To o yid'aa deerdiiko mo o yi'ata,
noy o waawrata yid'ugo Allah mo
o meed'aay yi'ugo? En anndi naa-
ne en d'onno nder maayde, ammaa
jonta en nasti ngeendam. En ann-
di d'um ngam en ngid'i deerd'ira-
be men. Ammaa mo walaa yiide,
d'on nder maayde tawon.

—1 Yuhanna 4.20; 3.14

«To on d'on ngid'indira, nden
kam yimbe anndan onon on puka-
ra'en am.» —Yuhanna 13.35

Minin min seedooße ko o huuwi
nder lesdi Yahuudu'en e haa Uru-
saliima fuu. Be mbari mo bee
bilugo mo haa leggal gaafaaŋgal.
Ammaa Allah ummitini mo diga
maayde nyande tatabre, waŋgini
mo haa amin. O wanganaay yimbe
fuu, sey minin. Minin laati seedoo-
ße be Allah aarti subugo. Baawo
Allah ummitini mo diga maayde,
min nyaamdi, min njardi bee maa-
ko.

—Kuude Nelaabe 10.39-41

Asaweere woore baawodon, pu-
kara'en d'on moobti nder suudu
fahin, Tomas d'on wondi bee maß-
ße. Dammugal d'on hubli, ammaa
Yeesu wari, dari caka maßße, wi'i:

«Jam laatano on.» Nden o wi'i To-
mas: «Waddu hoondu ma haa d'o,
laar juud'e am, waddu juŋŋo ma,
nastin ngo nder wuttudu am, accu
waabaago, nud'din.» Tomas jaabi
mo: «Jawmiraawo am, Allah am.»

—Yuhanna 20.26-28

Baawo Yeesu ummiti diga
maayde, nyande Alat fajiri cub, o
waŋgani Mariyama mo Magdala
tawon. (Dum kaŋko mo Yeesu
riiwno ginnaaji joweedid'i e mum.)

—Markus 16.9

Allah acci mo o maaya ngam da-
liila aybeeji men. O ummitini mo
boo ngam haa en keba yerduye
maako.

—Roma'en 4.25

UMMITINEEKI LAATI TAMMUNDE MEEDEN MAWNDE

39

«... Wakkati waran, d'um wadi jonta maa, haa maaybe nana sawtu Bid'do Allah, nanbe mo fuu ngeed'an. Taa d'um hayd'ina on, ngam saa'i waran, haa maaybe nder genaale fuu nana sawtu maako, be ngurto genaale mabbe. Huuwoobe bood'dum ummititto ngam be keba ngeendam nduumiid'am, ammaa huuwoobe kallud'um ummititto ngam hiiteego.»

—Yuhanna 5.25 he 28, 29

Nde en ngiiwi ngiiwam baptisma, en kawti bee Yeesu Almasiihu. On anndi bood'dum d'um kawtal bee maayde maako. Nder ngiiwam baptisma en uwdaama bee

maako. Ammaa bana kaŋko o ummiti diga maayde bee baawd'e Allah kaayeefiije, bana non enen boo en kebi yeedfugo nder ngeendam kesam. To en kawti bee maako nder maayde nandunde maayde maako, nden kam en ummititto boo bana maako. —Roma'en 6.3-5

To Almasiihu d'on huuwa nder mood'on, . . . ammaa Ruuhu Allah hokkan on ngeendam, ngam on kebi yerduye Allah. Allah ummitini Yeesu Almasiihu diga maayde. To Ruuhu maako d'on jood'i nder mood'on, nden kam o yeeditinan balli mon maayandi boo bee Ruuhu maajum. —Roma'en 8.10, 11

40 EN LAATO SENII BE NGAM JAWMIRAAWO

O hisnan en baawd'e konne'en meed'en, haa en kuuwana mo bilaa kulol, ngam haa en laato yimbe maako goonga'en wakkati ngeendam meed'en fuu. —Luka 1.74, 75

Soobiraabe am, bolle Allah d'e'e fuu laatani en. Ngam maajum en labbinu ko'e men, en ittu ko sobnata bandu malla ruuhu. Sey en laato senaabé timmuube, en hulbe Allah. —2 Korintu'en 7.1

«Min mi d'on yiwa on ngiiwam baptisma bee ndiyam ngam see-daago on tuubi. Ammaa garand'o baawo am yiiwan on ngiiwam baptisma bee Ruuhu Ceniid'o e bee yiite. Kaŋko o buri yam baawd'e

piw. Mi he'aay sam mi turo, mi itta pad'e maako.» —Matta 3.11

On laati subaabé ngam daliila muuyo Allah Baabiraawo. Ruuhu maako seni on, haa on d'owtano Yeesu Almasiihu, haa yiyan maa-ko labbina on. . . . —1 Piyer 1.2

To goddo labbini hoore mum e kuuje kallud'e d'e mbi'mi, nden kam jawmu saare huuwtiniran mo ngam kuuje mard'e saman, ngam o cenaad'o, nafoowo jawmum ngam kuud'e bood'd'e fuu. —2 Timote 2.21

Ammaa bana Allah ewniid'o on o Ceniid'o, laate onon boo on se-niibe nder ko mbadoton fuu.

—1 Piyer 1.15

Ngam maajum Yeesu boo maa-yi yaasi dammugal berniwol, ngam haa o labbina yimbe diga hakke muudum'en bee yiyam maako. —Ibraniŋko'en 13.12

Diga o tagaayno duniyaaru, o subi en haa en laato yimbe maako nder kawtal bee Almasiihu, en ndaro yeeso maako en senaabé be ngalaan aybe. O yidi en. Sey on borno ned'o keso mo Allah tagidow jaati mum, haa on kuuwa pot-tudum, ceniidum fodde goonga Allah. —Efesu'en 1.4; 4.24

Buuwol laatoto ton, bi'eteengol Laawol-ceniingol. Cobd'o yahataadow maagol, sey yimbe Jawmira-

wo tan. Tokkiid'o ngol, koo fam-d'a-hakkiiloojo boo, majjataa.

—Esaaya 35.8

Ammaa to en tuubi hakkeeji meed'en yeeso Allah, en mbaawan hoolaago mo ngam wolde maako d'on tabiti. O yaafoto hakkeeji meed'en, o labbinan en diga aybe meed'en fuu. —1 Yuhanna 1.9

Nde kuuje d'e fuu kalkan bana ni, on anndi no njood'ortood'on. Sey on njood'o nder senaare, on tokko Allah bee goonga.

—2 Piyer 3.11

Tiine jood'aago jam bee koomoy. Tiine besdaago nder senaare, ngam bilaa maare walaa mo yi'ata Jawmiraawo. —Ibraniŋko'en 12.14

«Onon hallube maa, on anndi hokkugo biibbe mood'on kuuje bood'e. Sakkoo Baabiraawo mood'on mo asama, o burataa hokku-goo Ruuhu Ceniiñgu haa torotoobe mo na?»

—Luka 11.13

Nde be timmini do'aago, nokkuure nde be kawti haa mum dimbi. Be fuu be keewi Ruuhu Cenii'do, be puud'i waajingo habaru Allah bilaa kulol.

—Kuuđe Nelaabe 4.31

Ammaa onon kam, gidaadi mon njaalataako on. On d'on d'owtano Ruuhu Allah, to fakat Ruuhu maajum d'on joodi nder mood'on. Mo hebaay Ruuhu ngu Al-

masiihu hokkata, laataaki mo maako.

—Roma'en 8.9

Mi nastinan Ruuhu am nder mood'on, haa on tokko kiitaaji am, on d'owtano umrooje am.

—Ejekiyel 36.27

«Fahin, Allah hokkan on Ruuhu Ceniiñgu, on tammi hebugo baawde maako. On ceedoto haala am»

—Kuuđe Nelaabe 1.8

Barnabas o god'o bood'o, keewd'o baawde Ruuhu e nud'din-ki. . . .

—Kuuđe Nelaabe 11.24

Pukara'en haa Antakiya ceyi masin, be keewi Ruuhu Cenii'do.

—Kuuđe Nelaabe 13.52

ALKAWALJI MBOODDI DI ALLAH WADANI NUDDIN BE

43

Jawmiraawo o badiid'o ta''a-ber-d'e'en, o wallan ittubé tammunde fuu.

—Jabuura 34.19

«Kuuje d'e fuu, junngo am huuwi d'e. Min mi mari d'e. Ndaa be'e ndaaranmi: Yaŋkiniib'e e ta''a-ber-d'e'en, diwnanbe ngam wolde am.»

—Esaaya 66.2

Yeesu jaabi mo: «Koni a wi'i: To a waawi? Haa nud'dind'o koodume fuu heboto.»

—Markus 9.23

«O woostan gond'i mabbe fuu. Walaa maayde, walaa mettambe-ram, walaa bojji, walaa naawd'um ton. Kuuje fooymaaje fuu caala-ke.»

—Wahayu Yuhanna 21.4

Hoola Jawmiraawo, huuw mboo-

d'eenga, jood'a nder lesdi ma, seyo-ra goon̄gaaku Allah.

—Jabuura 37.3

Soobiraabe am, taa kaydine bo-neeli d'i on njarata, bana d'i kaydi-niid'i. Ndikka seyaago ngam on d'on kawta nder bone Almasiihu ngam haa on keewa seyo yaake tedduŋgal maako wangi.

—1 Piyer 4.12, 13

«Aarte suklanaago laamu Allah e muuyo muud'um, nden kam o humtan'an on haaje mood'on fuu.»

—Matta 6.33

Yeesu jaabi mo: «Koni a wi'i: To a waawi? Haa nud'dind'o koodume fuu heboto.»

—Markus 9.23

Jonta o waawan wallugo estaa-be, ngam kaŋko bee hoore maako o estaama, o yari bone.

—Ibraniŋko'en 2.18

Allah, dokkoowo en jam, hokkan on jaalorgal timmuŋgal dow Sayd'aanu, neebataa. . . .

—Roma'en 16.20

Fakat, goon̄gaajo yaran boneeji d'uuđđi, ammaa Jawmiraawo wurtinan mo torraaji fuu.

—Jabuura 34.20

«To a ta”i caka ndiyam, min mi wondan bee ma, maaje cuddataa ma. To a ta”i caka yiite, a wulataa, d'emŋgal yiite naawnataa ma.»

—Esaaya 43.2

En anndi, to godđo yidi Allah, nden kam koodume fuu laatoto ngam hayru maako ngu Allah tammini mo fodde anniya muudum.

—Roma'en 8.28

Jarribooje kebđe on, d'on keba yimbe fuu. Ammaa Allah o koolniidđo, o accataa on njarribe ko bu-ri sembe mon. To o jarribake on, o hokkan on sembe munyango d'um boo haa on kisa.

—1 Korintu'en 10.13

Hooreejo liman'en meed'en waa-wi yurmingo tampe meed'en, ngam kaŋko o nani estooji kal kal bee meed'en, ammaa o wad'aay hakke.

—Ibraniŋko'en 4.15

Mi hokkan jaaliibe baawd'e jood'aago kombi am dow leeso laamu am, bana no min boo mi jaali, mi d'on jood'i kombi Baabiraawo am dow leeso laamu maako.

—Wahayu Yuhanna 3.21

Ndaa ko mi hokkata jaaliid'o: Mi laatoto Allah maako, o laatoto biyam. —Wahayu Yuhanna 21.7

«Mard'o noppo, sey nana ko Ruuhu wi'ata jama'aaje nudd'inbe! Mi hokkan jaaliibe baawd'e nyaamugo bibbe lekki ngeendam gonki nder jarne Allah.» Jaaliibe, huwanbe muuyo am haa timmoode, mi hokkan be baawd'e de kebmi haa Baabiraawo am, haa be laa-

mano ummaatooje bee caatal, be pusa d'e bana mahoowo pulsara payande. Mi hokkan be horre fajiri boo. —Wahayu Yuhanna 2.7, 26-28

Jaaliibe bornoto daneeje bana non, mi wilataa inde mabbe haa deftere ngeendam. Yeeso Baabiraawo am e malaa'ika'en muudum, mi seedoto be laati yimbe am. Mi latinan jaaliibe dañgrange nder haykaliiru Allah am, be meetataa sottugo ton. Mi windan innde Allah am dow mabbe, e innde berniwol Allah am, waato Uru-saliima kesol ngol jippoto asama diga Allah am. Mi windan innde am hesre dow mabbe boo.

—Wahayu Yuhanna 3.5, 12

Ammaa te'be e te'aabe mi d'on hokka be umroore, nde iwaay haa am, ammaa haa Jawmiraawo: Taa debbo sendira bee gorum. Ammaa to a sendiri bee maako, sey o jood'o bilaa gorko, malla o narra bee goriiko fahin. Gorko boo, taa see-ra debbo mum. Debbo te'aad'o laati kabbaad'o yaake goriiko d'on bee yonki. Ammaa to gorko maayi, debbo rimdi. To o yidi, o jaban te'eego, ammaa sey o teera bee gorko Masiihiŋkeejo.

—1 Korintu'en 7.10, 11, 39

Bana debbo te'aad'o: Umroore tawreeta habbi mo haa goriiko yaake gorko d'on bee yonki. To gorko maayi, debbo rimdi e um-

roore nde'e. Ngam maajum, to o wondi bee gorko feere saa'i goriiko geeto, nden kam o jeenoowo. Ammaa to goriiko maayi, umroore maajum walaa dow maako, o wad'aay njeenu to o te'i bee gorko feere.

—Roma'en 7.2, 3

«Koomoy seeri debbo muud'um, bangi god'o, wadi njeeni, mo te'i debbo ceeraad'o boo, wadi njeenu.»

—Luka 16.18

«Ammaa min mi d'on wi'a on: Koomoy seeri debbo muud'um naa ngam o naangi mo nder njeenu, nden kam o laatini mo jeenoowo, to o te'i bee gorko feere. Koomoy te'i debbo ceeraad'o boo, wadi njeenu.»

—Matta 5.32

«To mi taaskitinani on joonde,
mi loroto haa mood'on, mi yahra
on haa nokkuure am, ngam haa on
ngona haa ngonmi.»

—Yuhanna 14.3

«Mi badi warugo. Joga ko mar-
d'a, ngam taa koomoy jafta mee-
taleewol jaalorgal maad'a.»

—Wahayu Yuhanna 3.11

Ngam maajum, to god'd'o semti
yam e bolle am hande caka yimbe
marße hakke, accube Allah, nden
kam Bii-ned'd'o boo semtan mo to
o wardi bee malaa'ika'en seniibe e
tedduŋgal Baabiraawo.»

—Markus 8.38

«Nden alaama Bii-ned'd'o waŋ-
gan haa asama. Saa'i maajum um-

maatooje duniyaaru fuu mboyan,
ße ngi'an Bii-ned'd'o d'on wara
dow duule asama, bee baawd'e
d'uud'd'e e tedduŋgal mangal.»

—Matta 24.30

Onon boo, sey munyon! Taa co-
me, ngam nyande garki Jawmi-
raawo badake. —Yakuba 5.8

«Bana ma''ere ma''irta haa asa-
ma, diga fuunaanje haa hiirnaanje,
non boo nyalaade garki Bii-
ned'd'o laatorto.» —Matta 24.27

Bana non Almasiihu boo hokki
yoŋki muud'um nde woore ngam o
itta hakkeeji d'uud'be. O waŋgan
d'id'awre, naa ngam o itta hakkee-
ji, ammaa ngam o hisna reenbe
mo. —Ibraniŋko'en 9.28

(Malaa'ika'en) mbi'i: «Onon Galili'en, koni on d'on ndari, tijjodow? Yeesu oo, mo eengti, acci on, o loroto bana on ngi'i o dilliri asama.» —Kuude Nelaabe 1.11

Soobiraabe am yid'aabe, jonta en laati bikkoy Allah. Ko en tammi laataago, laabaay tawon. Ammaa en anndi fakat, to Almasiihu wangi, en laatoto bana maako, ngam en ngi'an mo bana no o wa'i. Koomoy tammoto nandugo bee Almasiihu, daayoto halleende fuu, bana Almasiihu daayori nde.

—1 Yuhanna 3.2, 3

«Nane! Mi d'on wara bana gujjo! Barka laatanto aynud'o, kakkilanando limce muud'um ngam taa

o yaha o tembo, taa o semta yeeso yimbe!» —Wahayu Yuhanna 16.15

«Onon boo, taaske, ngam Bii-ned'do waran saa'i on numaay.» —Luka 12.40

«Wakkati man be ngi'an Bii-ned'do d'on wara dow duule bee baawde e teddungal mañgal.»

—Luka 21.27

«Bii-ned'do waran nder teddungal Baabiraawo muud'um, kañko e malaa'ika'en maako, o warjoto koomoy fuu deydey kuude muud'um.»

—Matta 16.27

«To Bii-ned'do wari nder teddungal muud'um bee malaa'ika'en muud'um fuu, o joofoto dow leeso laamu maako.»

—Matta 25.31

WOLDE ALLAH

«Asama e lesdi njinnan, ammaa bolle am njinnataa sam.»

—Luka 21.33

Ngam walaa annabaaku iwngu haa muuyo neddo. Ammaa Ruuhu Ceniiŋgu nasti hakkiilo annabo'en haa be mbolwi ko Allah wi'i be.

—2 Piyer 1.21

Ko winda nder defte man fuu, dum laati bee wahayu Allah. Dum wallan anndingo goonga, e waŋgingo boofi, e wo"itingo aybeeji, e ekkitingo ko fottani Allah.

—2 Timote 3.16

Wolde ma woni pittirla ngam paland'e am, nde jayŋgol dow laawol am.

—Jabuura 119.105

DO'AARE BEE YAAFUYE

... «Ya Baabiraawo amin mo asama, a Ceniido, wad koomoy fuu teddina innde ma. Waŋgiinan min laamu ma. Muuyo ma laato naa haa asama tan, ammaa haa caka amin nder duniyaaru boo. Hokku min nyaamdu deydey haaje amin hande. Yaafana min aybeeji amin, bana no minin boo min njaaforanto wad'be min aybe. Aynu min ngam taa Saydaanu esta min, min acca nud-dinki, ammaa wurtin min juŋngo Saydaanu. Ngam an mari laamu e baawd'e e tedduŋgal, haa foroy. Aamiina!»

—Matta 6.9-13

Dieu pourvoit au coût de ces livrets grâce à des contributions, ce qui permet d'en envoyer des quantités limitées gratuites à tous ceux qui nous en demandent.

**Pour des questions ou de plus amples informations par pays,
veuillez consulter: wmp-contacts.org**

World Missionary Press, Inc.
PO Box 120
New Paris, IN 46553-0120 USA
www.wmpress.org

